


# PIDM Melindungi Konsumer Kewangan di MALAYSIA



# Apa itu PIDM?

PIDM adalah sebuah badan berkanun yang ditubuhkan pada tahun 2005 di bawah Akta Perbadanan Insurans Deposit Malaysia (Akta PIDM). Dalam memenuhi mandat kami sebagai pihak berkuasa perlindungan konsumen kewangan dan juga pihak berkuasa resolusi bagi institusi ahli.



# PIDM Melindungi Konsumer Kewangan di Malaysia



Melindungi deposit dan manfaat takaful dan insurans



Mewujudkan kesedaran dan memperkukuhkan keyakinan



Menyediakan insentif kepada institusi ahli kekal selamat dan berdaya maju



Memastikan resolusi efektif bagi institusi ahli



Mempertingkatkan kesediaan untuk mendepani krisis.



## Siapa konsumen kewangan?

Mereka ialah pelanggan institusi ahli PIDM yang terdiri daripada:

- pendeposit (penyimpan wang) di bank
- pemilik sijil takaful dan polisi insurans di Malaysia

## Apa itu IADI?

**IADI** adalah sebuah organisasi bukan berlandaskan keuntungan yang ditubuhkan pada bulan Mei 2002, yang bertujuan untuk mempertingkatkan keberkesanan sistem insurans deposit dengan menyediakan panduan dan menggalakkan kerjasama antarabangsa.

PIDM merupakan ahli **IADI** yang aktif.



# PIDM Melindungi Deposit Dan Manfaat Takaful & Insurans

PIDM melindungi deposit serta manfaat takaful dan insurans konsumer kewangan sekiranya sesebuah intitusi ahli gagal. Perlindungan ini diberikan secara automatik dan percuma kepada konsumer kewangan. PIDM mempunyai 42 bank ahli dan 50 ahli penginsurans.


## Perlindungan PIDM bagi Pendeposit di Bank Ahli

PIDM melindungi deposit yang layak sehingga RM250,000 bagi setiap pendeposit di setiap bank ahli. Perlindungan berasingan diberikan kepada deposit konvensional dan Islam yang dipegang oleh individu, pemilik bersama, perniagaan tunggal, pemegang amanah, perniagaan perkongsian dan syarikat.

PIDM melindungi 96% pendeposit dengan sepenuhnya. Skop dan had perlindungan deposit yang diberikan PIDM kekal tinggi, malah melebihi tahap yang disyorkan dalam Core Principles for Effective Deposit Insurance Systems oleh International Association of Deposit Insurers (IADI). IADI mengesyorkan perlindungan insurans deposit sekurang-kurangnya pada tahap 80% daripada jumlah pendeposit (orang) dan sebanyak 20% - 30% daripada nilai jumlah deposit.




96% pendeposit dilindungi sepenuhnya



96%  
pendeposit dilindungi sepenuhnya



  
 Individu  
 97%

  
 Pemilik bersama  
 93%

  
 Pemegang amanah  
 97%

  
 Perniagaan tunggal  
 96%

  
 Perniagaan perkongsian  
 95%

  
 Syarikat  
 84%

Sumber: PIDM

# Perlindungan PIDM Bagi Konsumer Kewangan

Perlindungan PIDM untuk Pemilik Sijil Takaful dan Polisi Insurans oleh Ahli Penginsurans

# Penambahbaikan Perlindungan

Sebelum 1 Januari 2021

**Sijil atau polisi bukan berkaitan pelaburan**

Manfaat takaful atau insurans tertentu, seperti yang berkaitan dengan kerugian harta intelek, kerugian produk komersial dan kerosakan harta unik, tidak termasuk dalam skop perlindungan.

**Sijil atau polisi berkaitan pelaburan**

- Perlindungan terhadap manfaat akibat kejadian yang tidak diingini seperti kematian diberikan perlindungan
- Pengecualian perlindungan terhadap manfaat yang dibayar daripada bahagian unit sijil atau polisi berkaitan pelaburan

1 Januari 2021 dan seterusnya

Kesemua manfaat takaful atau insurans di bawah sijil atau polisi yang layak adalah dilindungi.

- Perlindungan terhadap manfaat akibat kejadian yang tidak diingini seperti kematian.
- Pengecualian perlindungan terhadap manfaat kematangan, serahan dan pendapatan yang dibayar daripada bahagian unit sijil atau polisi berkaitan pelaburan.

# Cadangan Penambahbaikan Sistem Premium Berbeza

## PERBEZAAN RISIKO Kriteria Keselamatan dan Kekukuhan



Mempertimbangkan keselamatan dan kekukuhan dengan memanfaatkan penilaian penyeliaan Bank Negara Malaysia



Mengiktiraf langkah-langkah yang dilaksanakan untuk menangani kelemahan dalam amalan pengurusan risiko dan isu-isu penyeliaan yang lain



Mengurangkan duplikasi dalam rangka kerja penilaian

## MEKANISME INSENTIF BERDASARKAN RESOLUSI Kriteria Bertumpuan Resolusi



Memberi insentif dengan mengambil kira kebolehselesaian (resolvability)



Menyediakan insentif untuk mengurangkan halangan bagi melaksanakan resolusi

# Perlindungan PIDM Bagi Konsumer Kewangan



## Apa itu Perancangan Pemulihan dan Resolusi?

Perancangan Pemulihan dan Resolusi terdiri daripada dua komponen berasingan tetapi saling berkaitan iaitu perancangan pemulihan dan perancangan resolusi, untuk tujuan mempertingkatkan kebolehseliaan, kebolehpulihan dan kebolehselesaian institusi kewangan.

## Apa itu Perancangan Pemulihan dan Perancangan Resolusi?

Perancangan Pemulihan bertujuan memastikan institusi kewangan menyediakan dan mengekalkan pelan pemulihan yang menentukan opsi untuk memulihkan kedudukan kewangan mereka ke tahap boleh diterima ketika mengalami tekanan yang teruk. Perancangan Resolusi bertujuan memudahkan cara resolusi supaya dapat dilakukan dengan segera dan teratur melalui pembangunan pelan resolusi institusi kewangan ketika beroperasi seperti biasa



# Program Rintis Perancangan Resolusi

PIDM telah memuktamadkan Program Rintis Perancangan Resolusi dengan tiga buah bank perintis pada suku kedua 2021. Program ini memberikan pengalaman praktikal yang boleh diguna pakai untuk pelancaran Perancangan Resolusi yang akan datang:



**Keperluan penglibatan secara aktif dan pengaturan kerjasama dengan institusi ahli**

Penglibatan interaktif antara bank perintis dan PIDM melalui beberapa siri bengkel kerja dan mesyuarat sepanjang Program Rintis Perancangan Resolusi membantu dalam menjelaskan keperluan maklumat dan harapan PIDM.



**Keperluan menyelaraskan permintaan maklumat**

Penglibatan rapat antara BNM dan PIDM yang bertujuan meminimumkan potensi pertindihan dalam permintaan maklumat antara Perancangan Resolusi dan Perancangan Pemulihan telah berjaya mengurangkan beban kawal selia.

Pada masa hadapan, permintaan maklumat Perancangan Resolusi akan menumpukan kepada permintaan maklumat khusus, di samping memanfaatkan maklumat yang telah diserahkan untuk Perancangan Pemulihan.



**Keperluan pemakaian pendekatan secara berkadar**

Skop, tahap dan garis masa keperluan maklumat Perancangan Resolusi disesuaikan dan disasarkan setimpal dengan strategi, isu, saiz dan kerumitan institusi ahli.

# Perlindungan PIDM Bagi Konsumer Kewangan



## Apakah strategi resolusi dan pelan operasi?

Strategi resolusi menetapkan unsur-unsur penting bagi pendekatan resolusi yang dicadangkan manakala pelan operasi menetapkan pengaturan untuk melaksanakan strategi resolusi terpilih.



## Apa itu Pelan Pengurusan Krisis?

Pelan Pengurusan Krisis PIDM menggariskan peranan dan tanggungjawab, interaksi antara pihak terlibat, langkah-langkah pengurusan dan matriks keputusan, bagi mengaktifkan penglibatan, penggubalan mesej dan pelaporan untuk penambahbaikan usaha dan inisiatif pada masa hadapan.



## Apakah maksud keupayaan pembayaran balik dipertingkatkan?

Keupayaan pembayaran balik dipertingkatkan membolehkan kami memastikan pendeposit dibayar balik dengan lancar dan pendeposit memperoleh akses segera kepada dana mereka ketika kegagalan bank.



# Terima Kasih

Sumber:  
<https://www.pidm.gov.my/my/bagaimana-anda-dilindungi/bagaimana-pidm-melindungi-anda>